



舜水先生文集

尺牘

六

特別
八二〇
2682
7





20
2682
7

舜水先生文集卷之十



門人

權中納言從三位西山源光瓘

輯

男權中納言從三位

綱條

校

○尺牘一

答陳元贊

弟淺衷薄植。無足比數。至此亦惟閉門掃迹。不為屑屑往來。如何村翁之賢。亦未嘗識荊。乃叨謬愛。消日寵招。雖媿不敢承。然台臺屢道其誠。又不敢固辭。自外至日。即當趨候。



惟天雨著屐。則不能耳。昨枉顧。且急於言旋。踈慢殊甚。深用為媿。先此奉復。諸容。略罄。不宣。

答趙文伯

旅寓此間。久忘肉味。親翁惠我佳釵。又重之。且脾肺。使荒廚暴富。笑笑謝謝。親翁客居。弟當少伸主人之意。今雅貺反出自遠客。慚愧無量矣。先此奉復。尚容面頌。

答歐陽棊二首

捧讀翰札。知福履增廣。欣慰欣慰。遠惠素紬壹端。松煙肆笏。物物精美。又如此鄭重。何福能堪。登拜為媿耳。謝謝。若唐山有再見天日之時。弟必當遄歸。昨聞新歲有二舟到港。儻有好消息。干祈速速示知。感刻不盡。目下即預作一棺。衰朽之人。早晚不可定也。近日多病畏風。一步不敢輕舉。來翰論且寒氣初侵。順時珍齋。敢不奉為著蔡。力疾把筆。不備不莊。統容嗣佈。

二

祖帳留連。事猶在目。轉瞬之際。又將一年。弟
 獨處東偏。音容皆異。即使祥麟威鳳。而子焉
 寡儔。亦自可憎。况乃日鍛羽之鷄。蹇蹇之兔。
 而處驚驚虎豹之羣。其有不自顧而削色者
 乎。老兄何日教之。邇來福履亨泰。深用為慰。
 又上公欲弟接取小兒小孫。托敝鄉親趙文
 伯任其事。惟希青盼。若小兒輩到崎。更望事
 事培植。訓其不恟。而印翼之受惠。不淺。諸事

具家書中。定塵台覽。冗次率泐。惟希涵鑒。
 不宣。

與完翁

十五日書。因德舍一時促行。急遽無比。冗次
 多不能盡。罪甚貴相知省菴兄。見解超卓。非
 凡輩所得比擬。不謂此中崛起。乃有如此異
 姿。弟亦樂與之言。故於冗迫中。亦錄文稿數
 篇寄之。乞兄翁一一簡附。莫為他人所沉格
 也。弟因歲冬非萬全之舉。尚俟明年六月。端

來明正當往見國藩。一見即行。必不爲留也。隆情感刻無盡。非寸楮所能罄。總之各人自有心胸。不在口頭喋喋致謝也。

與譯者某

前月十二日。小倉奉書。諒已久塵台覽。弟於十一日到江戶。途間藉貴同寅何可候之勞。不可一言而盡。弟日服暑致疾。十八日方得謁見水戶上公。上公慇懃款曲。謙恭有禮。博學能文。聰明特達。弟亦善於形容。必不能及。

貴同寅從容談笑。把酒叙致之爲盡也。惟是諸位五載隆情。一朝睽遠。臨行入費精神。事周全。雖有忍心。猶懷戀戀。况弟萬里孤身。何能爲意。名園酬酢之情。祖帳留連之致。時時來往胸臆間耳。謝何能盡。冗次率泐。統希慈炤。

與釋獨立

等閑爲別。晤期遲速難知。年均七十。上下耄期難必。咫尺相去。遙遙千里。知者不知者。皆

不解此等舉動爲何矣。澄一特示翰教。不敢不遵。解維之後。無窮浩歎耳。健老闔宅平安。不煩遠念。高二官并託致言。不盡。

與釋逸然二首

昨日般豐饌。美深感禮意。慙然筍蒲俱。有出俗之致。自弟到崎。日來絕未之見。非庖人之工。無日副主人之情。申謝之筆。不足日繪厭飲之心。又調度過勞。遂致尊體不適。今日未知逸豫否。端謝并問。

二

昨既新茶。甌擎蒼璧。喉香津津。大沃明德矣。和尚多恙。且身自拮据。而舉日餉野人。不安之意。過於感頌。因客在坐。恐起身作答。似促其行。故奉謝遲遲。希勿爲罪。

答保田宗雪

久違色笑。思欲一接台光。且有諸凡事務。請大教。開茅塞。庶幾得處於寡過之地。奈數月日來。病患相仍。即間或小愈。又值譯者之病。

益致踈濶。昨者兩候。均曰公務遠出。不獲面稟。玄誨愈增悵惘。頃者得奉瑤函。厯懇溫真。如面語。所謂劉荊州一紙書。賢於十部從事也。諸諭領悉。尚容晤罄。不宜。

答黑川正直

遠行倉卒。不及詳奉教益。後又承翰札。頒示。倥偬不能走謝。至今為歉。別來月餘矣。惟且福履亨嘉。闔府迪吉。為望。僕近日藉庇粗安。雖時小恙。不為大害。旅水戶上公禮意綢繆。

日更加益。憫老憊。別無他事相煩。且慮不能安。僕之身多方委曲。此真曰古道相與也。前已露其意於鈴下。儒臣亦已轉達。上公聞之。大喜。然數日尚無回示。恐亦須勉從來命耳。似聞還都期近。統竢面陳。不備不莊。惟希原宥。

與加藤明友

疊承使命殷渥。感佩無已。舊日賤恙纏綿。又去府遼遠。未得一展拜門之禮。負罪良深。新

正走賀。又未得面申謝悃。益致歉快。承委勿齋記。非敢故為遲緩。雖目多病多務。實亦因諸物不稱。楷書久已廢閣。一旦奉命。勉作小楷。羞澁難於出手。輾轉耽延耳。罪甚幸原之。諸容面日晤。聲不宣。

答林春信

盛名之下。其實難副。古人所戒。僕幸平日無籍籍名。今來差得自安拙劣。兄乃復過譽之耶。賀牧傾心頗厚。是欲共相敦勉。勸與

聖學。求千里馬者。先市其骨。從來舊矣。長箋領到。連日小疾。竢愈。書奉謹行。

答林春常

僕僻處長崎。已知太丘二難。三日前見元方。則季方可知矣。今聞待奉湯藥。則憂勞咸萃。乃復有餘情。念及鄙人耶。統竢復故之後。台兄慶溢眉宇。彼此歡欣相接耳。抱疴率復。不盡欲言。

與野節六首

愛水先生文集 卷十
八日不晤。甚為遼遠。古人謂為三月三秋。良非虛語。極欲過齋頭。一為傾瀉。緣數日來。且俗務為擾。未能一申契濶也。佳作瀟灑不羣。宛然矩矱。更無可目。雖黃承命諄諄。且誠懇之意。溢於言際。故不敢自外。且虛謙德。謹僭筆丹鉛。非敢於自賢也。來作及吾伊庵記。奉璧。惟希炤納。

二

久思把臂。乃竟不得。一日燕間。兩約。又皆不

果。益增契濶之懷耳。十六日之期。料必不爽。但悵言語不通。恒使喉間格格不快。無可一明。曾臆不然。作竟日之談。繼之。卜夜亦大快事也。拙筆四幅印上。俟天稍和。別當作一幅。易之。餉我餅餌。感戢感戢。稍暇當效法煎飪也。諸容晤言。不既。

三

勉亭兄。碑文。昨日聊且草就。計字有貳千五百。或嫌過多。然首尾俱此。文喫緊處。不可刪。

惟中間入事實處。有壹千三四百。太冗長。且多是尋常事。但推學士之意。但欲盡入為快。又不敢過簡。今日欲謄真送上公檢閱。然後奉覽。幸示知。儻不嫌其多。便當全入。若可如奉議。便可少數百字。特此請問。祈明教之不一。

四

昨來卷乃祝枝山筆。然已開日本字派矣。此老筆極豪放。又道緊變幻。此猶未盡所長。又問王穉登字百谷。山西人。官中書舍人。鴻臚

寺署序班。其履歷自無可考。彼時與祝世祿。文衡山。許目忠。黃克纘。沉懋學。水輩。詩酒相倡和。又長於四六尺牘。故有名耳。若黃葵陽子承乾。承昊。又其後起者也。向日承顧未得一晤。為快。欲奉拜。病餘未能自力。希亮之。原卷奉璧。惟炤入。不宣。

五

家人失火。致使比屋延燒。急欲奔趨。一為慰唁。奈何腰脅痛楚。時時眩暈喘急。不能造門。

次日兩遣スレ小力カ問訊ス雖面見盛使シテ而所言前
後矛盾ス心愈不安耳カラ未知何日得シ一把ヲ臂也
如聞道路有參元燔灼之訛キ多是傳言之過
不足信也スレ外具野鷄貳隻聊為問候コト力疾療
草不莊不備希亮原之セヨ

六

別久晤稀屢塵瞻源復日館閣校勘勿忙屢
期不果スレ今夕之約政復不知果否ナニモ特此走問
當然テ爐日須也縷縷均俟面聲ヲ

答野節十八首

前荷遣使問訊ヲ附問台臺何日臨セ既亦慮別
期不遠故云然耳今早晉謁上公即請同行
上公曰天時炎熱諭令於八九月方行ス如此
則晤期尚自稍賒五月之期敬當俟候ス萬一
臨時有事又當奉復來札藹藹之情溢於楮
墨之表彼此同之ヲ所示二瓶亦大明常物耳
此間既希罕珍惜スレ之亦有何傷此復如此奉
復不為貴國人捧腹セ否笑笑

二

幾社主盟六人。首周勒卣。次徐孚遠。閻公海。內大名公。官都察院左都御史。又次陳卧子。公祖。起義殉難。別後憶之。不及奉聞。僕明日走候。陳元贊。敝鄉親。并候新鎮巡松平公。前承諭。先為達知。恃愛祈遣。盛伴預為相聞。為感。諸容晤罄。

三

半月以來。逐日匆冗。然一歇手。便覺心目之

四

間有一友元在矣。此無他。台臺肫誠藹藹。使人懷思無已耳。數日來。欲邀駕作別。冗甚。未果。承諭亦且數日多務。不得過臨。可勝快快。念及旅途不便。真相愛。至情感刻。感刻。瀕行。有不便。當特懇也。垂問巾式。畫圖。并剪紙為樣。希炤入。前日所諭。不敢當。容暇時備言之。不佞行期甚近。別日甚遠。不可不揮冗一晤。

造齋晤語。且門禁。勿遽言。旋未罄所懷。且言

多草率。自咎無已。佇望高車惠臨。數日來亦爾。寂寂札中有委曲。非拜話則不盡之句。欣慰欣慰。未知今明日得貴然否。承諭勿齋公慙。慙歎曲如此。安敢復辭。曰拂長者之意。十九日決當早起。作竟日之談。且伯養公行期在轉瞬間。何可無此佳會也。萬一此日復有恙。又當臨期奉聞。輿馬俱不煩遣來。惟兵左衛門回時。借一馬送之足矣。弟胸次坦直。無一毫屈曲。事事如此。幸藉鼎言。先為致謝。為

感。率復不盡。

五

文章得力。在幾句或一段。多者兩段。其鋪叙處。本非切要。若幾句肯綮。便有千鈞之力。或止在掉尾。一句若曰家常茶飯。平平鋪叙。不足曰發其光。適足曰掩其美。但俗人耳目。不可曰文章立格立意處。家至戶說。昨朝走字奉詢。未有回示。故再及之。此等文字。要使後人無非議。更不可苟。

六

音問闕然。大為想渴。接翰甚慰。弟夙昔所重。先行誼。而後文義。今貴友抱恙。日夕省視。心懷鬱憂。此行誼之悖篤者。政不必急於文字。且為美也。十六日上公曾問及佳作。弟答且未至。蓋未知有此一節事。幸俟心緒閑暇。構一合作。為士子標式。十九日端遲過談。慰茲久瀾。承惠竹筆筒。甚精雅。躋管城之壽。弟亦與焉。用意更為深切矣。糖瓜膏潤肺之物。均

此一意感刻。拙作何堪。佳衷乃惓惓如此耶。遵命奉到。希炤存。不。

七

遠顧竟不及罄言。契瀾悵惘無侶。佳作愈讀愈覺津津有味。可見理勝之文。大勝他人詞致美好也。欲摘園蔬。通夕論文。得在初五初六兩日為妙。未知台臺可揮冗賁。臨否。過後則台臺且歲事匆忙。僕今年病體不常。又恐疾疢相尋。輾轉耽延也。惟希明示。且便掃徑。

相遲。

八

屢承惠物。不見惠臨。惆悵之意。多於稱頌之私。亦欲奉候。新居相其布置。申其契濶。奈羸僮未復。不堪籃輿遠涉。是日久久遲疑。前所吾粗麻帳幔。今日試之。果驗。台臺有興至此。當爲入幕之賓。不足懼也。貴邦風俗。大都盃蘭盆前。不可及已。台臺亦不能抗大衆。姑且隨波而靡乎。笑笑。統竢晤言。

九

芳苑幽閒靜雅。不衫不履。對此讀書。眞足破萬卷也。是日留連徙倚。棹月方歸。至今尚有餘味。昨呂作書寄長崎。夜分而畢。不能遣謝罪歎罪歎。前者木夫之說。明翰林院有木夫公署之榜。詞林有木夫署草之刻。查其出處。亦止言秘書閣下。穹窿高敞。謂之木夫。恐當別有根據。不止於此。諸容晤罄。不宜所示手卷。暇時擲來。但所書遲速。下至深訝。足切知

愛

十

頃約十一十二日。枉駕過齋。昨入朝。粗了公事。即回奉候。小力言。台命適至云。此日庶務殷繁。不能揮冗。移於十二三日。或十四十五日。今日明日。在此端候。十四日又當入朝。是日晚歸。勢必倦怠。十五日為知友王侍郎殉忠之日。此日不喜接見一客。亦不至於談笑。故不便遲至此日。非今日則明日之夕為

妙。僕與朋友交。不自生嫌隙。亦不至久而倦怠。亦不能於形跡周旋。淡淡如水。始終不變。台兄不須於其中簡點籌量也。如許事欲面言。統俟過臨細述。不一。

十一

漏下二鼓而歸。於心猶自為速。若非門禁為之限。鷄鳴達曙。未可知也。古云。室邇人遠。今室遠人遠。奈何。厚擾之謝。反不亟於此矣。承遣貴門人友侃遠。貺感刻感刻。敝邑裱畫用

縹緋綾。或絹或紙。間亦用之。鑲嵌用錦。亦用金黃醬色等綾。然用素錦。不用織金大名金等物。貴雅素而莊重也。昨齋頭所掛之畫。并尋常市販貿易之物。彼惟取賤而獲利耳。別是一調。不足槩一切也。拙筆俟印訖奉。上率草復不次。

十二

前約四月上旬枉駕。久久鵠俟。讀華翰。方知公冗愆期。辱愛一物。足飮高情。何乃賜多儀。

謝謝。敝邑青魚有二種。乃池沼所畜。非江海物也。其一螺螄青。渾身赤黑色。鱗大味佳。大者長四五尺。其一尋常青魚。背黑而腹稍白。味次之。畜之二年。可得三四尺。未見有其大者。且其食小魚。故不使長久。所惠二種。皆不相似。家園植菓。分外甘鮮。連嘗數朵。故自新美。寓側亦植數樹。九年尚未花。未實。食此不勝艷美。承諭來月上旬賜顧。當候。率復不次。

十三

前者遣力奉候。及盛使到。寓皆云。尊壺儀恙已漸愈。不謂十一日。遂有鼓盆之變。連日欲差人走候。竟無一人可遣。心常耿耿。昨貴門生友侃枉顧。始聞訃音。大為驚異。患何等證候。數日之間。遽致不起。台兄得內子之助。為多。今將奈何。聞之。即欲趨唁。緣感冒寒氣。頭痛鼻塞者六日矣。不出門。面為弔慰。益深悽愴。早間令敝門人五十川剛伯來候。惟台臺抑情保重。僕身罹此憂。豈能以外言解釋。然

悲傷無益。故須極力排遣耳。所諭墓前立碑。別欲立一碑。且鐫行狀。已聞命矣。士踰月而葬。婦人之貴賤從夫。且立碑亦是踰月後事。尚可面病中把筆。不盡不盡。

十四

昨者厚擾郇厨。不獨佳餼旅旅。極其精潔。而將之且雅意殷殷。使人食而不敢不飽。謝尚容端頌貴體感風。又且應客煩勞。今日何如并問。

十五

弟疾非大病。然聯聯綿綿。啾唧無已。今已半月餘矣。昨日稍可。今蚤復生。他端甚為可笑。乃塵清思。連日屢屢垂問。感謝無既。少痊當詣齋頭一談。且弟更有一痼疾。入於膏肓。雖俞跗扁鵲。不能鍼砭。明明知之。而必不能愈。奈何。即欲呂病源。詳悉請教。恐台臺亦無醫國手也。為一大噓。鶴斃本不裝綿。今欲入綿。亦無不可。并復。

十六

來教坏撲了。乃方言也。坏音醅。即土擊也。撲而易壞。故云然耳。然於他用亦或有不用者。前於上公所。曾言宋儒語錄多用方言。政謂此等恐須呂原文相示始確。宋儒多豫人。方言多豫語。裹足即行。滕也。乃不前之意。此復

十七

濶踈教益。冀親一夕之話。今早已在。家僮灑掃庭除。遲駕奈何。復延至十二日。過臨。雖公

務不間。鄙衷則不勝揭揭矣。至日端遲。惟祈
蚤貴。但恨不能通一宵。笑叙分手時難。恕耳。
承餉角黍雞卵。謝謝。諸容晤罄。不宣。

十八

前柬執謙太過。料不敢當。然虛中乃弘納之
地。故見之而喜耳。至於論文之妙。確不可易。
固知有心人自具隻眼也。相期十五十六十
七。造齋細談。弟舊病復發。不能乘輿。不能久
坐。故不及如命。先此奉復。諸晤盡。

與木下貞幹五首

稔耳芳名。初最警欬。數年翹企。一朝頓酬。今
晨不意遙臨。踈慵遂失屣履。即欲振趨。罄昨
宵未盡之語。奈何眩暈仍作。不能如願。又聞
明申即當祖道。愈增悵惘。統俟來秋。駕旋畧
為傾寫。承允致書。省菴深銘厚愛。此間事凡
耳。自所及者。暇時希稍叙。且寄之。祇此代候。
惟祈鑒原。

二

羅珍饌玉雅緻精工。雖侯氏燕胥無日踰此。自非厚愛深情。當之能無色沮。昔王章見朱門子弟。翩翩俊逸。歸來自顧。兒子黃髮蒼顛。舉止羞澁。爽然自失者久之。人情大抵若斯乎。諸生成羣。厚擾施及小童。亦叨恩賜。臺下用情太過。弟實媿感難勝矣。并謝

三

未見而思。則既見而喜。今古人之恒情也。台臺一別年餘。千里傾慕。及至抵都。反數月而

後趨拜。世俗之見。未有不曰禮義責之者。台臺乃絕無責望。更承翰札。意旨拳拳。又遲十餘日。而奉復。台臺即雅度汪汪。如千頃陂。乎弟實無日自解矣。

四

賢公即三加盛禮。弟極欲追隨。太賓之後。奉櫛掠。曰親貴國儀節之美。特曰賤體未能自適。又語言不通。曉恐於醮子之時。大費主人酬答。迺不果來。外吳薄物貳種。少佐醴賓。

之末亦曰文士有變化飛騰之象。是日敢為令即祝耳。叨惠隆儀。雖意所極合。與之不致傷惠受之。不致傷廉乎。昔者奉命辱臨。倉皇率畧為罪。諸容晤罄。不宣。

五

十八日。聞之。奧村浚明及剛伯。皆云。念六念七日。行旌至止。今於昨日。夜分方至。諒久雨泥濘道滑。是日濡遲。一二日耳。長途勞勩。可想而見。前弟在病中。思慮多端。今既稅駕於

此。數日間必可把臂。病軀不能趨問。深覺熱中。謹遣其衷。走候。世事多岐。豈復有晉景新麥之進乎。晤言在邇。不一。長公均。此致聲。

答亦下貞幹二首

中饋無三。使令乏人。不獨事易張皇。抑且不衫不履。况旅邸庖厨。本無長物。惟園蔬幡幡。采摘享。迄爾已。趙孟為嘉賓。而鬼首為薄設。不為督過。亦云幸矣。乃又懇懇致謝。辭命諄諄。不為愈增慙汗乎。草此奉復。諸容百罄。不

宣。

二

向承枉顧。菜羹糲飯。得日綢繆款曲。不惟儒者風味如此。亦謂客亦可來。主亦可辦。諒臺下不日。必瀆為罪也。數日不奉教言。輒生懷想。乃復去。且雙魚感媿交集。謹即拜登。尚容面頌。不既。

與三好安宅

奉上粗布綿衣貳件。聊日禦寒而已。且足下

猶潔不敢日細帛汚清節也。諸面言不一。

舜水先生文集卷之十終

舜水先生文集 卷十一

舜水先生文集卷之十一

門人 權中納言從三位西山源光圀 輯

男權中納言從三位 綱條 校

○尺牘二

與源光圀十首

密雪紛霏。移時開霽。瑞而不多。長安昏慶。化
工布德。萬物均霑。之瑜托庇。本邦同為鼓舞。
乃復上殷清思。端使過存。又且惠之。雙雁申
旨。命辭委曲周旋。感深肺腑。形容高厚。莫達

舜水先生文集 卷十一

懇誠謹遣門人弘濟代為陳謝可勝翹瞻。

二

本月朔日遵奉明諭未敢入朝承命今并弘濟賚賜冰餅壹箱者顯錫餅餌之珍隱寓頒冰之意諭旨服此法製之物有益衰朽之人即時啓函拜嘗恩沾肺腑時時留於清慮事出之淵衷其為感激非言可宣肅此奉謝不既。

三

本月初貳日承命使臣賚賜上林新茶壹箱。甜瓜壹盤鹿筋壹盤當即登拜且承後命謂之瑜羸老值此炎天入朝陳謝更勞長慮既導明命敢不仰體德心謹遣門人弘濟代為聲謝無任悚惶。

四

本月貳拾壹日承命使臣賚賜新茶壹箱。茶盞貳隻可勝頂感且承前諭戒旨冒暑登朝恐貪體悉之至情坐溺便安之大戾其為悚

惕曷既披宣。謹遣門人弘濟祇謝。尚容面頌。不宣。

五

本月貳拾柒日。伏承命使賚賜蒼鴈壹隻。水鳥壹隻。鹿腿壹肘。謹即拜登。可勝感激。復承後命。不令入朝面謝。勉遵嚴諭。不敢故違。祇此肅復。不既。

六

本月二十六日。承命儒臣生順翰。賜白鴈壹

隻。蒼鴈壹隻。天鷲脂壹壘。何首烏拾伍枚。當於寓所。再拜領受。復承後命。謂不可登謝。深感鴻恩。自顧悚惕之瑜。庸下之流。上公待且賢人之禮。淺陋薄劣。何能報稱。先此附頌。尚容面達。不宣。

七

本月十七日。承命賜天鷲壹隻。生蟲壹肩。生鹿壹肩者。累蒙寵貺。感戢難勝。復叨汗湛之恩。施及兩門人下川三省。五十川剛伯。各賜

鹿肉壹肩。此尤希遇之典。不勝頂戴。當即拜登尚容面頰。不宜。

八

旌旄蒐狩南山。獲禽甚多。足稱鳥獸之害人者消矣。側聞數日來。起居安節。可勝欣藉。二十七日昧爽。遠賜豕肉壹肩。鹿肉壹蹄。寵召龍章。更叨軫念。親飛藻翰。愈益謙尊。捧誦再三。兼深喜懼。即刻恭候。元老風軒。率率附謝。不宜。

九

之瑜瓠懸七十。材無一能。猥塵貴人清思。命於閨苑。傳觴特差。使臣藤井德昭到邸。傳諭并論。不可入朝。陳謝感戢五中。莫宜萬一。謹附使臣申意。尚祈面對披丹。

十

本月十八日。儒臣田犀。恭奉面諭。深叨獎借。專委之瑜。特撰世子閣下表德。本日即具禮辭。二十四日復承明命。不敢固辭。謹擬上數

種惟祈採擇或未允當更容酌議

與源綱條五首

恭惟泰運弘開。人民胥慶。僕獨且多病纏綿。不得隨僚佐之末。共祝駢禧。迺者。蒐狩郊圻。又不得恭趨導送。甚為罪歎。筆墨難宣。數日來。風恬日麗。天朗氣暄。馬足之下。盡起歡聲。旗旄之前。咸為美景。一舉兩得。又難描寫。茲特率泐荒緘。尚伴奉候。謹具鰻魚拾枚。少佐豆藟之末。惟祈鑒納。曷既敷陳。

二

九月二十日。夜蒙命。儒臣野傳。賚奉瑤函。到僕寓所。宣傳台命。并賜鰻魚壹尾。豕膏壹壺。南瓜西瓜各兩圓。松茸五枚。當即對使拜登。伏念抵都。遲暮塵氛未滌。未敢拜謁。先叨使問。禮意優崇。近代罕有。又復命辭謙抑。義不敢當。肅此先達。即刻面謝。不宣。

三

是月初吉。台旌出狩。僕為夙疾所困。不能躬

送行塵。深懷歉報。於今十一日矣。霜天冰澗。驅馳不易。世子閣下。夙夜。且孝敬為心。必能慎節所守。無俟杞人過計。丁寧而告戒之也。祇特遣小力承候。台安耳。外具蜜柑壹籠。聊充二三從者望梅之需。非且為敬也。會晤非遙。統容面佈。不宣。

四

適議。崙人奉候。儼然。華翰寵頒。因諗日事。遊獵。遙識神情。遐暢兼惠。鹿肉壹肩。滾荷注存。

僕樗櫟散材。久則自腐。本不足為世重。雖復過叨慈念。雅知無計。揮戈辱諭。為邦自愛。敢不勉承明命。諸容面謝。不宣。

五

某惟世子之所。且為世子者。易而難。難而易。願世子深思其所。且易。敦勉其所。且難。則一邦且貞。而兆民永賴矣。容竢宮中府中歲事。燕間之日。詳悉開陳。且塵清聽。

答藤田貞清

承惠斑鳩參隻。糟瓜壹盒。麻糍參盒。領謝。重蒙光顧。且他出未得趨迎。更荷寵貺。愈增慚悚。特以長者之賜。敢不拜嘉。命之辱。又因眩暈。伏枕奉謝。遲遲罪甚。尚容面頌。不宣。

與三木高之四首

原擬十七日奉送上公。此時即造邸話。別是日適風寒交至。祇奉上公。明論不敢有違。故不及走送。大抵精神旺相。則人欺霜雪。百物不能侵。湊理畧不緊密。則霜雪凌人。臙膚生

粟。鼻孔流清。台臺尚是始衰之年。必謂此朽老之言。餒弱不足聽也。今遣力奉候上公。其人蠢愚。不辨西東。祈命人指導之。不——。

二

台臺啓行匆遽中。乃荷手書。諄懇所謂整而暇者。殆如斯乎。抑愛我過甚也。札中云。有微恙。兩日間曾全愈。未數徒囂囂。恐亦不得寧居也。今遣弘濟生奉候上公。台安。薄具江瑤柱壹種。申意。幸祈先容之為感。諸容旋旆。晤

言不盡。意所欲達。先時曾已面達之。茲不更贅。

三

昨夜漏下二鼓。四問識者云。鎌倉有陸路否。云。鎌倉有水陸兩路。皆非孔道。又問上公至鎌倉何事。其所言皆非公務。自古至今。除春秋戰國。不論外。曾聞有諸侯無故而枉道數百里。至於他州之境者。况又出於嶮巖之途乎。若日本之禮。僕未嘗與識時務人相與。則不能知。若大明憲司官。雖枉道一二十里。亦

不能也。匆匆不悉。

四

所示山谷。此君軒手卷。適雅秀麗。與往時見者大相懸絕。因把玩不忍釋手。特以容筭不能什襲而藏。不敢輕留珍物。奉還之後。不勝怏怏。風便并。且奉聞。

與赤林重政

向承枉顧。慢去為歉。面約數日間。過寓賤疴。已愈三四日矣。每日在寓。鵠候一步。不敢出。

門竟不聞車音，轉轉此必公務甚繁，不能揮
兀也。前踵署，又曰：「台臺公出，未面，可勝快快。」
一、二日間，有暇當造談，幸示知，令郎額書上。
希炤入，別欲草一幅，舉古人事，曰：「贊助賢者
憂國急公之意，又因病後腕力甚弱，書不能
往而止。諸容晤言，不盡。」

與近藤定久

頃間承命，送到薑蘇梅一小瓶，已與今井弘
濟面同嘗驗，固封，即令弘濟親手賣送，便希

炤驗明白，著令的當人員送府，當公開驗嘗
試，然後進奉。萬勿造次為感。來帖即令弘濟
讀解。

與藤井德昭

加賀公欲立宗廟，令剛伯來問式，不佞謂此
事體重大，一有差訛，貽笑後人，須得博學明
理儒生二三人來，往復辯駁，考求至當，庶使
後人無譏。若草草塞巧，非不可曰塗飾目前，
儻後來百年數十年有議者，豈不羞媿希足

下_レ呂_ニ此_レ意_ヲ稟_ニ知_レ上_レ公_ニ呂_ニ便_ニ來_レ時_ニ復_ス之_ヲ

答_ニ藤井德昭_一

向_ニ叨_ス枉_レ顧_ヲ匆_ク匆_ク慢_ク去_テ爲_レ歉_ヲ五_ニ日_ニ復_テ餉_ニ呂_ニ佳_ニ菓_ヲ
膚_ニ理_ニ精_ニ金_ニ胸_ニ包_ニ玉_ニ液_ヲ允_レ也_ニ東_ニ南_ニ珍_ニ異_ニ學_ニ者_ニ侶_ヲ
之_ヲ斯_レ足_レ爲_ニ世_ニ資_ニ矣_ヲ萬_一金_ニ玉_ニ其_レ外_ヲ而_レ敗_ニ絮_ニ其_レ
中_ヲ不_レ獨_レ爲_ニ人_ニ所_ニ吐_レ棄_ニ武_ニ人_ニ俗_ニ吏_ニ無_レ怪_ニ乎_ニ共_ニ相_ニ
嗤_ニ詆_ニ矣_ヲ足_レ下_レ妙_ニ齡_ニ好_ニ學_ニ當_ニ更_ニ加_テ勉_ニ勵_ニ一_ニ雪_ニ此_ニ
言_ニ耳_ニ兩_ニ次_ニ入_レ朝_ニ未_レ得_レ一_ニ面_ニ呂_ニ申_ニ謝_ニ悃_ニ祇_ニ此_ニ奉_ニ
達_ニ惟_ニ希_ニ炤_ニ覽_ニ

與_ニ奧山玄建_ニ二_首

累_ニ塵_ニ問_ニ詢_ニ滾_ニ銘_ニ雅_ニ愛_ニ既_ニ已_ニ稅_ニ駕_ニ邇_ニ室_ニ何_レ不_レ少_ニ
憇_ニ敞_ニ止_ニ沃_ニ呂_ニ甌_ニ茗_ニ殊_ニ滾_ニ帳_ニ悃_ニ舊_ニ冬_ニ承_ニ假_ニ醫_ニ鑑_ニ
四_一冊_ニ緣_ニ其_レ中_ニ有_ニ數_ニ方_ニ欲_レ爲_ニ鈔_ニ錄_ニ是_ニ呂_ニ久_ニ稽_ニ案_ニ
頭_ニ難_ニ辭_ニ踈_ニ懶_ニ慢_ニ易_ニ之_レ僣_ニ言_ニ矣_ヲ茲_ニ特_ニ遣_ニ力_ニ奉_ニ璧_ニ惟_ニ
希_ニ炤_ニ存_ニ連_ニ日_ニ乘_ニ春_ニ蒔_ニ蔬_ニ種_ニ蘭_ニ羸_ニ老_ニ筋_ニ力_ニ大_ニ爲_ニ
疲_ニ憊_ニ率_ニ率_ニ不_レ次_ニ

二

向_ニ呂_ニ賤_ニ疴_ニ屢_ニ煩_ニ金_ニ玉_ニ未_レ敢_テ踵_ニ謝_ニ滾_ニ用_ニ歉_ニ然_ニ昨

者更惠佳筵拾柄雅製精工將之且肫懇誠
不得辭但出入懷袖之中雖爾清風習習終
莫解滿面紅熱奈何先此率泐奉謝尚圖晤
陳一時乏東幸恕不恭

與清水三折

台臺還轅甚亟僕僻處一隅寂爾無聞竟不
及一杯祖道至今為快時下上公遊豫四境
問民疾苦台臺素知豐蔀必各出隨巡諒無
晷刻之暇也僕雖時有小恙尚可力支獨是

語音懸別大費精神仍是影中傀儡耳前承
翰教謂唐茶之妙至今齒間猶有餘味此時
餅馨壘恥無可應命今巡方松平公歸觀携
來少許特且分奉一小箱此番茶不甚佳或
者台兄注想之勤庶可少潤吟喉也惟希炤
存勿嗤輻褻冗次率裁百不能一

答清水三折

辱賜妙劑使宿疴有所恃賴感極感極且諭
且調攝之方急攻緩補從此當奉為衛生之

愛水先生文集 卷十一 十一
訣矣。容大田回日趨謝。但非筆墨所可既也。佳惠無已。乃復佐之。曰：蒿雀五隻。何殷殷無盡至此。此物。故鄉名。麻雀。而故門人。三省復云。非是。弟之昧於鳥獸草木之名也。前見安之。兄於草木。歷歷能言。而弟不辨。菽麥尚可謂之讀詩乎。堪為一大噱。謹復。

與大村加上

太牢滋味。曰：果羹。藜飯。糗之腹。誠懼不相稱。且聞在滌之時。黍養備至。藥餌兼施。王武子

之豚也。非止生芻一束而已。但此佳品。既曰一鬻。澆銘厚愛矣。何乃大惠。八種。摩頂放踵。心舌咸具。不幾右胖皆全乎。惶恐不敢祇承。賢郎奉將。嚴命不肯附歸。不得已。慚腆拜嘉。然竟日赧赧不自安也。率泐謝。惟祈鑒原。

答野壹

連日冗甚。又有小恙。初時一言。奉答尚未答。復書尚未復。罪甚。罪甚。臺下不日。為罪。又復賜之翰札。意言。惓欵。且澆念弟。客居情況。所

謂推赤心置人腹中者感刻無盡。惠呂七重捲器使行厨生色感何如之。第十七日移居上公所賜書齋則於尊府少近請教或可數數也。諸晤罄。

答辻達

月餘日來逐日有病逐日強扶是日屢與弘濟言之尚未及一走齋頭罄言契濶今濕氣相侵宿恙又有蠢動之勢更宜加意珍攝不宜日俗務往來各能心諒也承惠嘉栗壹盤。

謝謝。八月九月新粟初收。故邑亦日此為禮所謂粟糕者即此意也。大約日人情為風土都無甚差別。此復尚容晤謝不一。

與小宅生順十九首

台臺遨遊曠遠。聞見宏多。跋涉三千餘里。而來僕猥日荒陋當之。今見卿使人太慚。文叔之言為不誣矣。僕稔聞東武未得觀光。茲承台諭方知渺茫險巖。涉歷之艱乃如此。聲應氣求頗懷同志。月昇冰泮何日克承前叨。枉

顧曰風雨泥濘未及掘趨復惠瑤函重曰佳
扇新詩益增腆報謹對使拜登尚容晉謁晤
馨率勒奉復不備不虔。

二

承惠角黍及華翰方知其爲端節。謝謝。昨日
眩暈伏枕尺寸不能移不能答東申頌罪罪
幸原之。大明國俗亦曰此日裹角黍投之太
江巨川曰餉屈原且飾舟爲龍。權人別飾巾
衣擊鑼伐鼓鼓棹如飛。俗謂之划龍船亦謂

之競渡。檐際懸菖蒲及艾。所曰祛邪也。聯云
艾葉如旗招百福。菖蒲似劍斬千妖。貴國風
俗大畧同是此意。又云五月五日天中節。赤
口白舌盡銷滅。弟於世俗兒女子態每事不
信。故今不理於口。至於此極。可見獵較亦宜
從俗也。敝鄉明日午間俱飲雄黃菖蒲酒。競
渡之所。士女縱觀繁華喧阗。不可盡述。諸容
晤言外奉唐茶壹瓶。希炤入大明。角黍頗畧
相侶。而種類甚多。大約家競其巧耳。此復。

三

龍舟競渡。言之遂使台兄神往。然未知二十餘年來。世事遷變何如矣。蒲節無可敬。旅邸如江漢之濯。因思角黍須糖。且蘸之。謹奉。上壹盒。惟希晒存。

四

久失請教。昨承枉駕。荒齋寂寥。無以爲敬。甚慚。雲雨紛濛。猥蒙辱念。感刻感刻。僕雖雞骨支離。然非淫氣所能侵也。所病者兩潦大降。

禾稼不成。則人民無以爲食。大足爲君相之憂。而盛夏初秋。陰凝慘淡。此必有致之者矣。是日連日悶悶。僕一身之病。不爲病己。元常兄文章極佳。雖一變乎。已知全味矣。品外錄領到。諸晤馨。

五

適以種植分心。遂不得欸語。蓋因杉根暴露。薜荔葉萎。諒嘉客或不督過也。古語云。十年樹木。第無乃過計乎。然自適目前而已。久近

非所論也。台諭記稿。深承體亮。然畏首畏尾。至此。身其餘幾乎。弟意台兄事當先於他友。尊諭是或一道。感佩感佩。統希簡擲。

六

初三日。瓊枝玉樹。今蚤復見之。少刻氣和風動。又或少異。頃駕至史館。儻道中風物稍異者。不妨枉數武。至齋頭。看賞因齋中三面竹樹低亞。光景獨優也。

七

弟欲踵候細談。因腫毒新愈。恐臙膚未堅實。不敢輕率。台兄儻有暇。幸那玉過我。一破岑寂。何如。

八

弟荷台臺骨肉之愛。令遠人自慰。自昨年及今。無一少渝。真所謂金玉君子也。凡交與之情。久而益見。蓋謂此耳。但執謙使弟當之。媿怡。弟何敢。且長者自居也。特限於勢而不能自主。故屢屢言之。諸事面啓上公。重煩清思。

下川三省如少有所就。皆台臺玉成之也。謝何可盡。國老事復費酌量。益深感戢。明日承命垂顧。當掃徑相遲。一見顏色。遠過百朋矣。冗次率復不盡。

九

昨入朝未見時。上公即問兩兄同來否。入見語及數日之間。喪兩從兄。遂及上公再從女兄。先一日故。次日即焚。毀教之毒如此。弟謂主持風化在乎君上。後及王弇州。李夢陽。李

于鱗。徐中行等文難讀。譯者之言。弟不能解。但言四人皆大名公。并李崆峒立朝骨鯁之狀。譯者又不能達。弟言後日入朝請其文一看。然諸文但擇其佳者讀之。全集不宜讀等語。後又及釋子詭怪之狀。為笑。

十

聞台兄呂頭暈靜攝。此或為連日校讎揮灑勞神致然乎。或亦因春時寒暖倏忽。起居失節而然乎。惟加意珍重。台兄深明醫道。自不

愛九先生文集 卷十一
若弟昧昧也。欲親候。曰步履尚艱而止。希亮原之。亦不敢煩。裁答也。

十一

滾冬大雪。普天同慶。惟敝止得趣尤多。三面皆瓊林琪樹。一望枝頭盡綴珠玉。而竹枝龍鍾搖漾。玉屑霏霏。台兄曰為樂不樂也。豈復懼寒風栗烈。病我老人哉。黑川公惠我白雁已令烹治。當共擁爐浮白。與二三門人共讀北風之詩。滾慶今時嘉會。幸即拄杖過我。無

為滾泥所苦。何但台兄寂寥獨坐也。已作東邀道設。未知有此豪舉否。

十二

清明時節雨紛紛。從古然矣。明日令堂夫人在道。三日間晴好為佳耳。荒齋寂寥。竟分三徑之苗。復授呂蒔之之法。他日凌霜鬪姿。則沐高士之惠不淺矣。

十三

今日雨雪殊非時令。弟亦擁被而卧。蒙垂念

感刻。又曰：瑣事重煩，緩頰謝謝，便時當致之。何兄也。上公既默然，自不便復言矣。并牧何等議論。今按并牧蓋指并利也。竟日劇談。上公大為歡悅，不知可得聞之否。雖館中勞頓，若可著履枉顧，略一述之，共為抵掌，則亦病後佳事也。未知可更為抖擻否。望之望之。

十四

命題事非僕所敢承。面諭切至，又不敢自外。謹擬一題奉上。惟裁之。論題動衆未足化民。

十五

昨蒙介弟主米公子寵招，不獨餼饌之豐隆，調治之精旨，其禮意之恭謙，情文之稠疊，不可言盡。此皆仰體上公虛公之美，又居恒友愛，深篤故能如此。豈徒近時之所罕見，即古來之稱佳公子，伯斯者亦未能數數。僕言不能自達，祈台兄為僕轉申。台兄親見隆儀，言之必能詳備。前友元兄書至，昨夜長崎書到，無非讚誦上公下士之誠，并希鼎言及之。

十六

當聞不盲不聾。做不得阿家翁。然事有可。且盲聾者。有必不可。盲聾者。且必不可。盲聾之事。而處必不得。不盲聾之勢。將奈之何。且理責弟者。曰。汝無耳無目耶。弟將何辭。然一人之目。而羣障之。一人之耳。而羣掩之。又將奈此耳目何哉。弟之此情。無可告訴。惟恃台兄愛我。而又語言不通。孤立之人。誠非易矣。或亦德薄所致耶。

十七

頃者歸寓。分發一事。即欲造貴寓。細談適天。兩不能果。今鬱鬱於中。故且筆代舌耳。敢問天下事。真者美乎。假者美乎。真者為美。則弟不假真者為不美。則弟不能為假。一齊之傳。豈能勝十楚之咻。一齊之口。豈能勝十楚之口。將來之罪。畢竟在齊傳已。奈何。幸明示之。

十八

頃聞价者走逸。今有消息否。蚤間曾有他物。

攜持否。或者失物。懼而潛躲。恐尚未是脫逃。或者小僮為不良者。所誘過時。不歸。懼而趨。尚當於平昔往還之家。細細搜索。為是。特此走問。不一。一。

十九

中山公處武侯像壹軸。并空白紙壹幅。領到來。翰展讀已悉。不限時日。不使人逼迫。何有不可。諸容晤聲。不宣。

答小宅生順十二首



來教事事切中。敬服台臺之有學有識。其所目責僕者。敢不深自引咎。但未知貴國主之志何如。禮自須遜辭耳。何足下之憤憤耶。足下之辭雖堅決。若所行之事。盡如其言。僕可勝大願。一生求之而不可得。安肯交臂失之。即刻當往候黑川公。且有衆客須復禮。終日而畢。明日若少暇。別當奉復。

二

日候上公福履。知於十日回鑣。適讀翰教。又

聞龍旂白旆。悠悠揚揚。可勝欣慰。遠狩號令。殷煩。復錫_レ呂_レ承膏壺器。何注存無已。至此。即刻拜命之辱。祈台兄先為申謝。明當面頌。并聞台兄行旌康泰。甚喜。草草奉復。不宣。

三

昨暮之談。大快。絕不致倦。脫粟羹藜。不日為藪。不足云擾。弟性真率。毫不猶人。不論大明日本。惟獨行其是而已。不問其有非之者也。雷蛇諸事。侶涉語怪。然世界存而不論之事。

儘多。不當_レ呂_レ經生一隅之理。膠固斷定也。佳作惠下。捧讀為望。但須徐徐。必不使致倦憊耳。此復。

四

君子去就。自有道矣。何可苟焉。弟若呂_レ富貴為心。何緣得至貴國。先正云。迎之致敬。呂_レ有禮言。將行其言也。則就之。其次雖未行其言也。禮貌未衰。則就之。弟非中國中興與胡塵迅掃。終無歸理。無歸理而紛更反覆。弟豈如

此之人乎。何台兄疑弟之淺也。面言未盡。譯者又不能達。故復草草致意。惟祈矧鑒。不一。

五

節間杯酒。飲不至醉。何突罹此無妄。此弟之罪也。後來當如命微醺而止耳。官家乃天子之稱。他無敢稱之者。至於朝廷。則非天子之專稱。孔子朝與上下大夫言。又其在宗廟朝廷。孔子雖入周。未嘗一登周天王之朝。且書

中明係魯國之朝廷也。今將軍之尊。何遽不及魯侯哉。殿下公方御前。此在國俗。則可若欲傳久行遠。恐有碍也。惟裁之。

六

敝止無履可著。重九佳節。不能走賀。歉甚。逐日欲造府。日悉濶。引領望天。不得晴霽。飛鳶。底產蛙。滾為驚訝。又聞有尊恙。益為念切。僕兩日亦不爽。今蚤見盎中積血如墨。然無可

如何也。來問急性子。僕寡陋無所知於藥材。草木鳥獸更無所知。然聞急性子乃鳳仙花子。不辨是非。觸手即肆躁暴。未知是否。此復

七

上公狩大野。獲野犬。夜分見遺。此二十五年未嘗之味。喜極矣。詞命鄭重。不敢當禮。今夕當烹治。候台兄同享之。有事欲晤語。午後專遲。台駕弟亦有前約。欲面奏也。佳作大妙。寓意於不隱不顯之中。掉結又潔淨勁爽。且無

長楊較獵等套語。敬服敬服。諸晤盡。

八

今暮乃召令堂老夫人他出。不能那玉過我。快悵之極。幸借文選貳三卷。召消岑寂。諸容明晨晤罄。

九

大雪盈尺。特為小酌。召破寂寥。本非禮法之飲也。且主人庖厨乏人。中饋無主。不衫不履。事事可哂。今早詰啟門人。誠為可笑。台見或

能相亮。不_レ深責耳。何敢當謝。又飲不至醉。懼不至戲。何至追思。此台兄謹慎之過也。記稿蚤起尋覓不得。佳筵俟天和事閑書上。先此奉復。

十

白賁園記甚佳。足稱大方矣。弟聞見狹陋。未嘗見貴國有此完文也。因命之懇懇。己為改削。奉上。拳石不足。日增山使高也。記中縣字有_二著落否。妻之姪曰外姪。故二字皆口之。惟

考定。日入。諸晤盡。

十一

佳筵委書。日夕病遂致沉閣。罪罪。頃者簡出書上。又日久病氣虛。手顫未有成。一筆得成。字畫可笑可傷。弟自看猶爾。況可汚木方之目乎。罪甚罪甚。希炤存。諸容晤言不既。

十二

蚤晨遣數人助工役。何故拒却。用時幸命下。喚取弗_レ日形跡為嫌也。適有我魁粟。今按有疑

惠或遺
等字
大者如拳敢分貳十枚奉上幸惟炤
存毋視爲殷七七著鼻物也

與野傳二十二首

台臺榮行本當趨候趨送昨奉尊公諄諄面
諭又恐今日台臺公務浩煩故不敢勞擾清
思媿歎不可言盡晤期雖不遠乎然兩月之
別不知其幾三秋矣外具時家茶罐壹柄斗
方箋帖貳束花封貳十少將芹意惟祈莞存
諸容明晨面悉茲不贅

二

六傳沉閣案頭非病則冗非冗則病日致遲
遲罪不可言昨日承命改削奉上祈炤入心
緒粗疎恐有背戾有則希明教之勿爲含隱
乃見相成之意即懇台兄竟達上公幸勿復
爲往返不一

三

答策甚佳可勝健羨事事皆在人爲特患不
肯用功耳故自謂不能者自暴棄者也謂他

人終於不能者。嫉人害人者也。今讀令兄友
 老文及佳作。僕言不信。而有徵乎。儻繇此而
 孳孳求進不衰。則中華之文可為中華之名
 手。可齊軌而方。駕吾何畏乎。彼哉。舜何人。予
 何人。惟台兄勉之矣。萬勿惑於邪說。怵於庸
 人之見。且自沮也。來作壁上。諸容晤聲。

四

諺云。生而富者。驕。生而貴者。傲。豈不信然。今
 上公。呂源威公之子。大將軍之孫。生而富貴

極矣。何嘗見世間有如許事。乃能細心委曲。
 謙恭好禮之。至於斯極也。欲逐一言謝。雖累
 幅不能盡。通仗台兄為瑜。陳述何如。風軒中
 山公盛擾至恭。亦希并述為感。上公書草。本
 欲錄奉。緣倦甚不能也。台兄連日勞頓。事事
 費心。并謝尚容面謝。

五

尊作肆意批評奉。上然太僭太妄。於見教之
 意。或自無拂。於世俗之情。則大戾矣。台兄能

不驚詫否。我且置之。今世亦有行之者乎。

六

別來兩三日耳。尚覺遼絕。惠我名花數種。遂如親挹芳容。勉亭碑文已草就。欲先奉上。公閱過。然後送弘文公。奈病甚不能脫稿。天霽幸那王過齋。當請大教。過蒙垂念。感刻無盡。尚容晤頌。尊公安好。何如。并希叱致。

七

昨枉顧。遂失倒屣。又未得答拜。甚歉。今日天

雨。大似秋天。殊為淒楚。台兄孤館寂寥。必當更甚。能著履過我否。檢察家中無長物。惟餘泛蒲濁酒三升。東壁下鹿脯貳觔耳。有興希即命駕。必不致設彘飯也。諸俟晤言。

八

尊恙方痊。神氣自未能固。往來酬應。必至勞勩。尚希加意調攝。若呂煩文。縟節望人者。其人。人品不言可知。萬勿以此意僕也。野服圖說領到。近日不能及。俟至水戶。後有餘閒。閱

竟奉復不盡。

九

旅居四面。樹木蒙密蔽日。初不甚。且為佳。昨宵大雪。今且擁被而臥。及起視之。盡成瓊林玉樹。而庭栽數竹。亦復青翠琳琅。饒有雅致。台兄能著履過我。一看之否。果能有此高興。為山陰道上之行。適黑川公惠我白雁二掌。當烹日共賞之。醉則讀周詩召南一卷。抵暮踏雪踉蹌而歸。殊不減灞橋上驢上背上風。

味。僕必不學戴安道閉門謝客也。笑笑。

十

遠歸未及趨候。乃承令尊翁枉駕。雖幸久談。媿無一物將敬。歉也何如。敢藉鼎言。一為申意。舊允櫻桃貳株。昨承命。端令小力走領。祈命使簡附之。諸容晤聲。

十一

連日遣人候。聊適兄前宵已故。而不知昨承台諭。令兄述之。方知殊足感愴。即刻差力走

問云特意不答。此是貴國風俗。然非所_レ_レ致
問之意也。未知棺衾已備否。未知曾出葬否。
未知殯於何所。僕欲備香燭往弔之。台兄必
知其詳。特愛_レ一一細問。幸勿_レ目為嫌而教_レ之
為感。

十二

名園嘉卉。分賜寒窻。小子輩不堪岑寂。遂嘖
嘖不置口。弟猶恨久病之後。足力軟弱。不能
扶筇強步。盡觀佳勝也。若待行步不致欹斜。

則九十春光已盡矣。奈何。附來紙領到暇時
裁就奉覽。

十三

承惠韓扇壹握。領到謝謝。足_レ目蔽_レ汚塵。功用
大矣。豈在皮相精美也。油紙甚佳。俟能手裁
壹幅。餘珍壁上。今日捩豚為飲。儻有暇。幸過
我。共享君賜。大約申刻可供矣。若無暇。明日
何如。拉子常兄同過。何如。諸不盡。一角。真菴。
伯行。三兄在館否。

十四

奉候遲遲。理應罰酒。乃反賞之。呂麴在台兄為法外之仁。在弟為非望之喜。笑笑謝謝。茶瓶收到。埃天好裝送也。諸埃晤言。

十五

名園沼中。芙蓉盛開。小子輩不堪岑寂。欲僭涉。一為觀覽。就教君子。儻台兄。呂公務外出。希命園丁。畧啓其門。稍稍瞻翫。先此奉聞。本欲昨晡過齋。因飯遲致晚。不果也。不盡。

十六

昨言先君墓增土之事。若上公肯增。亦自無妨。將墳墓增高。闢墻改築。近身方成墳墓體式。但須待冬間。方可為之。雖古禮不修墓。然補偏救敝。猶愈於不為者。非交冬。則墳邊土必不宜動。靖伯世子墳。稍低二三尺。無礙。禮有貴人從儉之文也。諸容晤言。不盡。

十七

數日不晤。甚念。館中還駕。幸過一談。弟園中

苑先生文集 卷十一 三十一
蔬茹甚晚較之台兒苑中為差早矣。落酥壹盤奉。上非呂為新物。特呂家園土產奉。犒從者。一二日後嘉蔬斯可續之矣。不既。

十八

所約芭蕉四株奉。上前時謂其穉弱不堪輕去。其母今念轉瞬霜降。明年三月猶自衣裳襤褸。容顏憔悴不及而今。媽好也不盡。

十九

池蓮盛開。足方芳潔。厚擾園廚。至今尚有餘

味。歸來把玩香荷。塗人亦增艷羨。祇此奉謝。尚容端頌。昨日宅兒呂燕客不得赴。呂并聞敝門人不得另東。并此奉謝。

二十

僕呂一唐人。孤身在此。正如一葉浮萍。家下無人。事事都無款段。恃愛輕褻。亦不敢言請謝之。適生媿汗耳。慶順原兒亦幸。呂此致之。上公尊字如來論。因兩門人皆病。入朝無有通話者。不得不俟之。諸容晤言。

二十一

今日偶有一物。欲與諸兄共之。館事畢。幸那
玉過我。諸晤聲。田大兄兩中村兄。三好兄。希
相拉同過為妙。

二十二

彼是病患。音問杳然。聞十六日已入朝。兩日
來未知體中定自何如。賤病已愈。但腰膂無
力。手足綿軟。未得走候。茲遣力代問。并具卷
酥糖壹管。聊為病後雨中點茶耳。不盡。

答野傳七首

教授句讀。僕黔驢之技止此耳。然私心自計。
處於貴國。竊欲且此自効。頗似鼓瑟。後復聞
有蠱惑之言。益恥於自銜矣。昨接來翰。降心
下問。不且為恥。真能超越俗議矣。雖有褊心。
亦無吝怠。況浚洽僕夙心哉。惟冀乘間過寓。
且當遊戲。不必有所瞻顧。但四五日內。方庇
木工。修葺。蓋為碩鼠所害。多方且避之。候工
完。即竭力報聞。不宿舊惡。此是何言。敢且奉

問。昨浴起眩暈。不能把筆。奉復遲遲。為罪。幸原之。

二

違教纔四日耳。各各臥病兩三日。可見人生禍福無常。然非望之福。未見有卒然而至者。其有卒然而至者。亦止是病患與意外之事。爾已。僕於是日。別後即病。乃火與風相搏。昨日至今。少愈。昨晚為一事。徬徨竟夕。今早復昏昏。強起閑坐耳。未能走一价相詢。反承

垂問。感甚感甚。梨餠何不留著齋中。且通臥病中飲食之路。乃且相餉耶。謝謝。

三

遠涉泥濘。勞駕為多。雖半日相聚。奈為梓人所擾。未得款言。脫粟羹藜。本是儒家風味。而世俗之情。未免且為褻。台兄反加之。且謝辭愈增媿報矣。承惠新茶。即刻淪嘗。初製便能如此。可見妙手巧心。若更有可製者。即芽長不妨盡採。一則摘取之後。明年別發新枝。一

則今年屢試來年必更精好若節氣已邁此弟造府遲遲之過非茶之咎也。

四

尊作遵命僭筆改竄奉上仍恐點金作鐵貽笑後人耳此復。

五

來策一展讀文氣絕不猶昔甚喜廿一日外朝之言不益驗乎弟顛直不近人情則有之至於欺人誤人自信一字無有也來教覽後

論批朋友之道點次已為過而一下論批僭越不更甚乎容日閱既奉復不行不邁而與坐者謀之必無獲也故曰不得於道高明且為然否。

六

小東係昨日所發因薄暮來人不便故今早送出實不知今日天雨也台兄已知天雨而論且今晚同慶翁原兄子常吉兄來顧是著履而來也何如即來可得手談當備不衫不

履之飯。日遲之。即時顯候。不盡。

七

承諭知隆情。深至。往來游揚。不獨今并生戴德。僕亦心銘厚意矣。世之相後也。十有餘歲。地之相去也。萬有餘里。宜乎其至此也。寡尤寡悔。或者為虛設乎。諸竢新歲。晤聲不一。

與吉弘元常八首

昨論雨來無及者。是也。是即敝鄉處暑根頭白。白露枉來霖之語也。僕差筭節氣。謂猶可

及。大誤。大誤。他日造府。當浮一大白。

二

僕之所。日懇留王儀者。日。上公至。愛惓惓。僕孤子寡儔。蓋自為也。前者渠差人來。已將此意示知。渠喜於得留。船賣人散。儻上公不極之於危急之地。使之出唐。彼附何船。往何地。不獨明年之來與不來。即生死存亡。皆不可知。是僕置之死。置之亡也。僕置人於死亡。僕將何。日。自處。又將何。顏對人。惟祈懇懇轉達。

愛入先生文集 卷十一
上公爲幸。昨暮未知作何議論。再遲數日。必不及矣。端望示知。爲感。鐘銘并序稿呈覽。心驚意亂。恐不成文。不安者。駁回。改上。

三

二十日途中遇雨。是夜雷電日風雨。日雖晴好。然霜風甚寒。未知上公貴體何如。台臺體中不適。近全愈未。嚴寒祈善攝之。爲妙。藤德昭少年遠出。亦祈且兄意。誨之。鐘銘改上。就煩轉達上覽。上公官銜及大名及字。世子官

銜及名及字。均應一一開寫明白。示下之。瑜炤式。謄入禮也。何尚未付來。端候端候。前付來紙狹。恐字太細。久則銅青起。筆畫湮塞矣。如何。週圍儘有餘地。何不稍大。爲妙。希裁酌之。

四

明日入朝。當於何時。祈教之。今日朝務。侶爲稍閑。有興枉駕。過我手撥鑪灰。沸湯瀹茗。亦旅中佳事也。來則約道設。兄同來。爲妙。

五

僕於昨申到寓極感上公事事周合無一物不經清思不知何旨能細密若此此貴人中所萬萬不能有者敬服敬服昨聞台兄不隨大田之行則閑暇在客館午刻希那玉過我一談且客庖甚盛隨意烹治一物奉請何如候候。

六

綿被昨宵已成較之杜工部之衾柔皖十倍

七

足目下榻矣舊約自夏歷冬或今夕過我明晨入館或明日館散枉駕終夕細談目酬舊訂來月初吉恐有從邁之役歸來又歲事迫促不及矣即於二日間掃徑相遲顛候顛候
新正眩暈突發為日既久而諸病輔之。大為困頓把筆戰戰不能自主。目台兄歸期在近。平賀兄書。不得不力疾書致。兩兄歸後便無人能解矣。意取實功。不尚虛美。惟詳釋目敦。

勉之上。公曰：紀州大納言公喪，憂皇慘怛。目下未知何如。幸示知，為感。

八

前日重承雅愛。台兄醉後，僕日積病疲弱，精神衰憊，甚失地主之禮。昨蚤奉命待旦，而興而台兄已辨色而去矣。因地主慢容，故言旋汲汲耶。意料不及此。悔不投轄也。未及走謝。祇此。日代荊請。明日有暇否。暇則過我一談。為望。諸容晤聲。不宜。

答吉弘元常七首

前惠巨鼈壹頭。大逾潯江尺二之蔡。足與鼈鼉為羣。不堪從菹膾之列。因此時腰痛項強。不能把筆作一字奉謝。已詳達來。仰幸亮原之外。奉越前鹽鱈魚壹尾。聞此為貴國所尚。特致賞鑒。家試嘗之。冗次不盡。

二

新竹微涼。每詠清風來。故人之句。何不一揮。况過我。當水淘冷麪。日澆之。市塵炎蒸。誠如

來論餉我乾魚五十枚。領入爲慚。謝謝。此種
敝邑名鱖魚。俗名鱖。鱖膾殘魚。惟堪作生。不
堪作脯。敬復餘。埃晤言不盡。

三

僕犬馬之年。方古人而浚媿。蒲柳之質。歎先
秋而蚤零。台臺金玉之章。獎借之過。益甚歎
歉矣。上公寵愛優渥。特崇古典。當之面赤。明
日何日。對諸君子。慚負慚負。承惠厚儀。謹即
登拜。詰朝面頌。不宣。

四

漢茅季偉。寓宿嘉賓。烹雞爲饌。既而供母。餘
半度置。郭林宗亟稱其賢。爲之先後。今台兄
處季偉之時。乃減三牲之具。且爲餽遺。似非
所宜。然既來。又不得返。躊躇登受。尚容面謝。
春來日候。過談。有一事。須先聞。而後行。故遲
之。月餘矣。奈終日引領。而不可得。來教反覆
再三。未得肯綮。更須再復。

五

佳作改定。誠為僭踰。遵命不得不然耳。

六

高居至舍。頗遼遠。除夕。夕而別去。元旦。旦即
賜顧。深銘至意。但未得一名酌春酒。進辛盤於
主人之誼。歉歉耳。鼎脍甲魚四足。河水未泮。
何處致此佳物。即當滌釜烹調。且飲丹由之
惠。謝謝尚容面頌。

七

虞嘯父有云。位不及扶。飲不到醉。今僕亦云。

飲不到醉。禮不須謝。獨是醜醜歸趣。磊隤水
銷。足侈主人情重耳。此酒尚餘數升。當為台
兄留貯。他日胸中歷落。亟過我煖一瓶為澆
之。

與田犀二首

前承寵召。怡然赴命。愚意所祈者。兔首瓠葉
耳。不謂佳殺雜選。種種出自新裁。物旨維備。
非虛美也。言謝之私。不勝媿怍之意。祇此佈
悃。尚容面頌。不宣。

二

此書東之式也。非答台臺之東。自宜如此。因前者同道設二兄。問書簡之體。故藉茲示之。且禮耳。然此為小啓。上乎此。則有稍為莊重者。最上。則有大啓。大啓。則非此地所易為者。

答田犀

月許不晤。殊覺遼濶。政在思憶間。而華翰適至。且惠呂蜜柑一筥。謹即登拜。呂擬永嘉黃碩。令節傳賞耳。遠來嘉客。遺我衢紅紙數張。

謹呂參幅奉。上物雖菲薄。書春聯門符。呂祝老親之福。悅老親之目。但為有用耳。惟希哂存。諸容新春晤言。不既。

與田犀板矩

違遠芝顏。轉瞬遂已盈月。隙駒飛電。不足喻其速也。初四日始聞台兄從狩。一時促裝。諒行色必自匆匆。連日天氣甚佳。圍場奮揚。旌旗耀采。上公必大為酣適。奈歲已云暮。數日間即當還轅耳。茲令弘濟生代。上公草此。

附問多嚼酒。少衝風。是目前祕訣。如何如何。

與板矩二首

前奉翰札。知台兄久患眩暈。僕甚苦此疾。僕孤身去國。舉自言笑。無可為歡。蘊結於中。宜乎有此。台兄英年暢遂。精研調燮之理。何為亦有此恙。僕向服乾海參。似乎稍效。今奉能刈乾腊壹箱。祈烹飪試之。前惠甲魚三頭。淡銘厚意。其時已令弘濟生端謝。但何處得如許之多。此物與敝卿所產者無異。僕極噉殊

適口。惟詠物旨。維借之句。且頌佳貺耳。

二

前聞尊翁捐賓客。台兄儼然憂戚。甚為傷感。緣比來紛冗實甚。未及修尺一為弔慰。於情於禮。皆為闕然。尊翁享年最永。幾登上壽。又獲考終。人子之心。已無少歉。幸勿過為哀毀。聞近日又且貴恙。靜攝。惟希淡自遣。排晤言在。邇尚當面談。冗次率泐。不宣。

答板矩

塵塵注存。足_レ知愛。更_レ復惠。且_レ籜龍。翹翹特
出。益_レ徵厚意。折竹烹之。渭川千畝。盡_レ在胸中
矣。祇_レ此附謝。尚容面頌。不宣。

舜水先生文集卷之十一終

